

Radunonza communal dils 15 da zercladur 2016

1. Beinvegni

Il president communal beneventa 10 votantas e votants a questa radunonza communal. Culs 5 commembers dalla suprastanza ed il canzlist ein 16 persunas cun dretg da votar presentas.

2. Elecziun dils dumbravuschs

Il proponiu vegn elegius unanimamein.

3. Protocol dalla radunonza communal dils 12-05-2016

Dil protocol han ins saviu prender investa en canzlia communal. Igl ei vegniu inoltrau neginas protestas a scret. Il protocol vala tenor artechel 25 dalla constituziun da vischnaunca cun quei sco approbaus.

4. Rapport e quen annual 2015

Il quen current siara cun in gudogn da frs. 5'888.91. Quei tier entradas totalas da frs. 4'040'466.37 ed expensas totalas da frs. 4'034'577.46. Il quen d'investiziun muossa expensas da frs. 2'890'972.51 ed entradas da frs. 901'553.05.

Decisiun: La radunonza communal approbescha unanimamein il quen annual 2015.

5. Quen annual per igl onn da scola 2014/15 dil consorzi da scola superiura scolaviva

Decisiun: La radunonza communal approbescha il quen annual per igl onn da scola 2014/15 dil consorzi da scola superiura senza cuntervuschs.

6. Midadas da leschas en connex cun la constituziun dalla cumissiun sagognturisssem

- a) Revisiun parziala dalla lescha da taxas da cura e promoziun dil turisssem
- b) Revisiun parziala dil regulativ d'execuziun taxas da cura
- c) Revisiun parziala dalla lescha da salarisaziun

Decisiun: La radunonza communal approbescha las midadas da leschas senza cuntervuschs.

7. Elecziun commembers dalla cumissiun sagognturisssem

Sco commembers dalla cumissiun sagognturisssem propona la suprastanza las suandontas persunas: Marc Woodtli, Richard Jezler, Alois Poltéra e Herbert Weishaupt.

Decisiun: La radunonza communal elegia ils proponi senza cuntervuschs.

Il president communal siara la radunonza allas 20:45.